

Oqaluuserisassanut nassuiaat

(Inatsisartut Siulittaasuat)

Inatsisartunut ilaasortap Sara Olsvigip Inatsisartunit tunuarnissani qinnutigaa.

Qinnuteqaat Inatsisartunit akuerineqarsinnaava?

Akerliusoqarpasinnigilaq.

Taamaalilluni Sara Olsvigip qinnuteqaataa akuerineqarpoq.

Sara Olsvig siunissami ajunnginnerpaamik kissaallugu Siulittaasoqarfimmit qutsavi-giumavarput.

Sara Olsvigip ilaasortaanerminit tunuarnerata kingorna Aqqa Samuelson Inatsisar-tunut aggersarneqarpoq. Aqqa Samuelson qinigaasinnaasutut Qinigaanerup Misilin-neqarnissaanut Ataatsimiititaliamit akuerineqarpoq.

Akerliusoqarpa?

Aqqa Samuelson Nuummut ullumi aatsaat tikissaaq aqagulu tikilluaqquneqassalluni.

Immikkoortut uku aappassaaneernejarnissaasa kinguartinneqarnissaat Inatsisinut

Ataatsimiititaliamit qinnutigineqarpoq:

Tassalu 104, 19 aamma immikkoortoq 207.

Immikkoortoq 104 ulloq 21. november aappassaaneernejassasoq siunnersuutigine-qarpoq.

Immikkoortoq 19 ulloq 14. november aappassaaneernejassasoq siunnersuutigineqar-poq.

Immikkoortoq 207 ulloq 21. november aappassaaneernejassasoq siunnersuutigine-qarpoq.

Immikkoortut tassaapput:

Immikkoortoq 104: Kalaallit Nunaanni pinerluttulerinermi Inatsimmi § 20 imm. 2-p allangortinnissaa pillugu danskit naalakkersuisuinut attaveqaqqullugit Naalakkersui-sut peqquneqarnissaanik Inatsisartut aalajangiiffigisassaattut siunnersuut, taamaa-silluni unioqqutitsinerit imaluunniit inatsimmi § 99 naapertorlugu unioqqutitsinerit ilungersunartut immikkut taasat pisortanit unnerluutiginnittussaataasunit eqqartuus-sinermut utaqqisitassamut atatillugu unnerluutiginnissutissanngortillugit.

Immikkoortoq 19: Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarneq pillugu inatsisip (Kinguaassiuutitigut pinerluttarnerit il.il.) allanngortinneri pillugit inatsisissatut siunnersuummut missingiummut Nam-minersorlutik Oqartussat isumaqataanissaat pillugu Inatsisartut aalajangiiffigisassa-attut siunnersuut.

Immikkoortoq 207: Inatsisartut aalajangiiffigisassaattut siunnersuut, Namminersor-lutik Oqartussat ilalissagaat NemID-mik pisortat digitaliusumik signatur-iannik ima-qartumik inunnt aamma inatsisit naapertorlugit immikkoortortani sulisunut Kalaallit Nunaanni atortuulersinneqassasoq Kunngip peqqussutaagut.

Kiisalu immikkoortut 49-p, 81-ip aamma 140-p UPA 2019-imut kinguartinneqarnis-saat Inatsisinut Ataatsimiititaliap qinnutigaa.

Immikkoortut tassaapput:

Immikkoortoq 49: Peqquserluuteqartarnerup akiorniarnerni suliniutit qanoq nukit-torsarneqarsinnaanerat pillugu UKA 2019-mi nassuiaammik innersuussutitalimmik agguaasseqqullugit Naalakkersuisut peqquneqarnissaanik Inatsisartut aalajangiiffigi-sassaattut siunnersuut. Nassuiaammi aamma allaasereqquneqarput iluaqutissat ajo-qutillu aamma aningaasatigut kingunissat inatsisitigullu tunngavissat, arlaannaannul-luunniit attuumassuteqanngitsumik Peqquserlutsaaliuisussanik pilersitsisoqassasuuppat taamatullu aamma peqquserlutsaaliuisussat pillugit inatsisili-ortoqassasuuppat, peqquserluuteqartarnerup akiornerni suliniutinik katersiviusussa-mik.

Immikkoortoq 81: Immikkoortortamut arlaannaannulluunniit naammattumik attuumassuteqanngitsumut whistleblowerit pillugit misissuineq nooqqullugu Naalakker-suisut peqquneqarnissaanik Inatsisartut aalajangiiffigisassaattut siunnersuut

Immikkoortoq 140: Namminersorlutik Oqartussat ingerlatseqatigiiffiini whistle-blowerit pillugit aaqqissuussinermik eqqusseqqullugit Naalakkersuisut peqquneqar-nissaanik Inatsisartut aalajangiiffigisassaattut siunnersuut.

Immikkoortoq 8-p aappassaaneerneqarnissaata pingajussaaneerneqarnissaatalu kinguartinneqarnissaat Aningaasaqarnermut Ataatsimiititaliamit qinnutigineqarpoq.

Immikkoortoq ulloq 14. november aappassaaneerneqassaaq ullorlu 21. november pin-gajussaaneerneqassalluni.

Immikkoortoq 8 tassaavoq: 2017-imut Ilassutissatut aningaasaliissutitut Inatsisissatut siunnersuut.

Immikkoortut 52-ip, 53-ip, 54-ip, 55-ip aamma 173-ip kinguartinneqarnissaat Inuus-sutissarsiornermut Aatsitassanullu Ataatsimiititaliap qinnutigaa.

Immikkoortut ulloq 19. november aappassaaneerneqassapput.

Immikkoortoq 52: Inuusuttut 18-t norlugit ukiullit unnukkut nalunaaqutaq 20:00-p kingorna Cafèliarlutik kakaoitorsinnaangornissaat, sodavanditorsinnaangornissaat assigisaannilluunniit najoqqaasinnaangornissaat pillugu Imigassaq pillugu Inatsi-sartut Inatsisaanni § 20 imm. 4 atorunnaarsinnissaanut siunnersuuteqaqqullugit Naa-lakkersuisut peqquneqarnissaanik Inatsisartut aalajangiiffigisassaattut siunnersuut.

Immikkoortoq 53: Imigassaq pillugu inatsit allangortinniarlugu siunnersuummik saq-qummiusseqqullugit Naalakkersuisut peqquneqarnissaanik Inatsisartut aalajangiiffigi-sassaattut siunnersuut, taamaasillutik niuertarfiit imigassanik aalakoornartortalinnik nioqquteqarsinnaalersillugit ataasinngornermiit arfininngornermut nalunaaqutaq ulla-akkut quliniit unnukkut arfineq-pingasup tungaanut.

Immikkoortoq 54: Imigassamut inatsimmi imigassat aalakoornartortallit pillugit pileri-saarutit suulluunniit inertequtaanerata atorunnaarsinnissaa imaluunniit allamik taa-ma sakkortutigisumik taarserneqarnissaanut Imigassaq pillugu Inatsisartut inatsisaata allangortinnissaanut allanguutissamik saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut.

Immikkoortoq 55: Imigassaq pillugu Inatsisartut inatsisaani § 28-p atorunnaarsin-nissaanut siunnersuuteqaqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasilluni imigassaq nioqqutissanut allanut naleqqiullugu saagorsimajunnaartussanngorlugu.

Immikkoortoq 173: Misiliilluni aningaasaliineq nunaqarfinni qerititsivinnik sanaartor-nissamik annertusaanissamullu tapiisarnerni periutsit pissutsillu pitsaanerpaat anguni-arlugit qanoq aaqqiivigineqarsinnaanera pillugit Inatsisartut Naalakkersuisut nassuia-asioqqullugit

peqquneqarnissaanik aalajangiiffigisassatut siunnersuut. Nassuiaasior-nermi isumalluutit suliffissaqartitsinerit kiisalu aningaasaqarnermut tunngasut kom-munit, inuussutissarsiornermik ingerlatsisut aammalu KANUNUPE-p misilittagaat ilaatigut ilanngunneqassapput. Nassuiaat Inatsisartunut agguanneqassaaq, tamatu-mani nassuiaatip inerniliineri AIS20-imut ilanngullugit suliarineqarsinnaalerlugit.

Immikkoortut 121-p aamma 159-ip aappassaaneernejarnissaasa kinguartinneqarnis-saat Kultureqarnermut, Ilinniartitaanermit, Ilisimatusarnermit Ilageeqarnermullu Ataatsimiititaliap qinnutigaa.

Immikkoortut maanna ulloq 14. november aappassaaniigassanngortinneqarput.

Imikkoortoq 121: Taaguutitik akuersissuteqartarnermi Oqaasiliortut sulinerat nalilersuiffigeqqullugu Naalakkersuisut peqquneqarnissaannik Inatsisartut aalajangiiffigi-sassaattut siunnersuut. Nalilersuineq inaarsarneqassaaq UKA2019 tikitsinnagu, kala-allisut taaguusersuinerup ineriartortinneqarnissaanut suliat annertusarnissaannut in-nersuussutitik aamma imaqartinneqassaaq.

Imikkoortoq 159: Oqaasiliortut peqatigalugit inatsisilerinermi kalaallisut oqaatsinik ineriartortitsinermik akuersinissamillu suliaqarnermik Naalakkersuisut salliutsitsinis-saat pillugu Inatsisartuni aalajangiiffigisassatut siunnersuut. Taamattaq Naalakker-suisut Oqaasiliortunik oqaloqateqarnermik kingorna UPA2019 sioqqullugu sulinis-samut piffissamut pilersaarummik saqqummiussinissaannik peqquneqarput.

Immikkoortut 197 aamma 198 Naalakkersuisunit tunuartinneqarput.

Imikkoortoq 197: Uunga siunnersuut: Qamutit motorillit akileraarutaat pillugit Inat-sisartut inatsisaata allannngortinneqarneranik Inatsisartut inatsisaat nr. xx, xx. xxx 2018-imeersoq. (Qamutit motorilinnut taamaallaat innaallagissamik brintimilluun-niit ingerlatilinnut plug-in hybridbiilinullu akitsuut kiisalu igitassanngortitsinermi akiliut)

Imikkoortoq 198: Uunga siunnersuut: Eqquusuinermi akitsuutit pillugit Inatsisartut inatsisaata allannngortinneqarnera pillugu Inatsisartut inatsisaat nr. xx, xx. xxx 2018-imeersoq. (Plug-in hybridbiilit akitsuutaat, biilinu innaallagissamik imaluunniit brintimik ingerlatilinnut akitsuummik

akiliisussaanginneq kiisalu qamutit motorillit nunaannakkoortit minnerusut akitsuutaannik atorunnaarsitsineq)

Siulittaasoqarfimmi siulittaasut tulliiisa ilaat ataaseq tunuarnissaminik kissaateqarmat immikkoortoq 3 aqagu ulloq 6. november ataatsimiinnermi oqaluuserineqassaaq. Tamatumani siulittaasup tulliiinik taamaallaat qinersisoqassaaq.

Immikkoortoq 3: Inatsisartut Siulittaasussaannik kiisalu Inatsisartut Siulittaasuata tullianik siullermik, aappaanik, pingajuanik sisamaanillu qinersineq.

Immikkoortoq 150: Qanoq ililluta nunatta iluani timersornikkut pitsanngorsaallutalu ineriartortitseqqissinnaavugut? Nunatta nunanut allanut unammisartoqarnerup tunga-atigut inerisaajumalluta, timersoqatigiiffiit nunatsinni pissartanngorniuuttarnerit avataatigut, nunatta iluani unammisaqattaartarnerat akulikinnerulersinneqassappata taava qanoq iliuuseqartariaqarpugut? Apeqquteqaat aallaavigalugu oqallinnissamik siunnersuut.

Immikkoortoq ulloq 15. november oqaluuserisassanngortinneqarpoq.

Ilaasortat uku akornanni taasisarnerit pillugit isumaqatigiissuteqartoqarpoq:

Kim Kielsen, Siumut aamma Mimi Karlsen, Inuit Ataqtigiit

Doris J. Jensen, Siumut aamma Aqqa Samuelsen, Inuit Ataqtigiit